

Programa de Acción Educativa “O Lixo desde o teu concello”



Mancomunidade de Concellos da Serra do Barbanza



Recursos e actividades

Co obxectivo de fomentar a redución, reutilización e reciclaxe dos residuos (os 3 Rs) a Mancomunidad de Concellos da Serra do Barbanza ofrece gratuitamente diversas actividades de educación ambiental aos centros de ensino, asociacións veciñais, culturais, etc. que desexen participar no Programa “O lixo desde o teu concello”.

As **actividades de educación ambiental** que se poden solicitar consisten en: charlas (60 minutos) + obradoiro (60-90 minutos). Un educador/a ambiental encargárase de impartir estas actividades que se adaptarán ás idades dos participantes.

Ademais tamén se poderá solicitar unha visita guiada ás instalacións da Planta de Compostaxe de Lousame.

Os diferentes obradoiros:

1. Residuos e consumo

Actividade enfocada na relación entre a produción de residuos e unha cultura cada vez máis consumista. Mediante o xogo cooperativo “A nosa compra” preténdese que os participantes tomen conciencia da importancia dun consumo moderado e responsable e sobre todo que aprendan a reducir a cantidade de lixo na súa orixe.

2. Obradoiro de análise da bolsa do lixo

Actividade consistente en analizar unha bolsa de lixo e os seus compoñentes co obxectivo de amosar a porcentaxe de residuos domiciliarios diarios. A porcentaxe dos residuos permitirán tomar conciencia tanto da cantidade como da diversidade de residuos producidos e así incidir na súa redución e na separación axeitada.

3. Obradoiro de elaboración de materiais substitutos aos produtos tóxicos do fogar

Os residuos tóxicos e perigosos son cada vez máis abundantes na nosa vida cotiá e representan un gran problema ambiental e para a nosa saúde. Neste taller aprenderase a recoñecer produtos tóxicos e perigosos de uso cotián na casa, na escola ou no lugar de traballo, así como coñecer as alternativas existentes. Elaboraranse produtos caseiros substitutivos como limpadores multiusos, ambientadores, etc.

4. Obradoiro de fabricación de xoguetes a partir de residuos

Empregando residuos domésticos que os/as veciños/as da Mancomunidad ían tirar ao lixo, elaboraranse xoguetes ou obxectos útiles, traballando así o segundo dos 3Rs, a reutilización. Recuperar esta práctica tan habitual e que se está a perder é o obxectivo deste obradoiro que busca amosar de xeito lúdico e sinxelo que os residuos poden ter unha segunda vida

5. Obradoiro de compostaxe a partires de composteiros individuais

Este obradoiro está destinado para aqueles centros que posúen un composteiro. Servirá para comprobar o correcto funcionamento do mesmo. A actividade consta de varios paso: comprobación de temperatura, humidade, presenza de impropios, e identificaición de macroinvertebrados presentes no compost.



6. Construcción dun composteiro caseiro ou comunitario (colexio, comunidade de veciños, etc.)

Con este obradoiro preténdese implantar a compostaxe nas diferentes entidades participantes. Construírse un composteiro con material reciclado que posteriormente se instalará nun centro de ensino, nunha asociación de veciños, etc.



7. Obradoiro de reciclaxe de papel: elaboración (iniciación)

Cuns xornáis vellos e auga, os/as participantes fabrican papel novo, demostrando que a reciclaxe é viable se todas e todos colaboramos e separamos axeitadamente os residuos. Ademais, neste taller incídese no aspecto ambiental da reciclaxe relacionando o feito de separar para reciclar cos bosques, a auga, a enerxía, os residuos industriais, etc.



8. Obradoiro de reciclaxe de papel: aplicación

Con este obradoiro complétase o obradoiro anterior. Cos papeis e cartóns realizados no obradoiro de reciclaxe de papel elaboraranse obxectos de todo tipo, ben suxeridos polos educadores/as ou os que se lle ocorran aos participantes.



9. Xogos do lixo

Actividade enfocada cara nenos e nenas mais pequenos. Trátanse os 3 Rs á vez mediante diferentes xogos onde se pretende que os rapaces pasen un momento agradable e aprendan ao mesmo tempo. Para iso xogarán cuns brinquedos feitos con material que ía ir parar ao lixo, ou participarán nunha "Olimpiada do lixo" ou nun "Xogo de separación".



10. Ecoauditoría no centro

Actividade participativa co persoal dun centro educativo (incluído o alumnado), concello, biblioteca, etc. para mellorar a xestión e redución do lixo no centro. Conta de tres fases principais con sinxelas actividades.



Charlas e visitas ás instalacións da planta de Lousame

As visitas á planta pretenden dar a coñecer as instalacións onde se están a tratar os residuos da Mancomunidade mediante un percorrido pola planta seguindo as distintas liñas de tratamento dos diferentes residuos.

Condições para participar:

Neste programa poden participar as entidades (centros de ensino, comunidades de montes, asociacións de veciños, culturais, amas de casa, etc) dos Concellos da Mancomunidades do Barbanza que o desexen.

Solicitud de obradoiros:

Lucía Parente Romero

ADEGA

Travesa de Basquiños, 9 Baixo
15704 Santiago de Compostela
Teléfono e fax: 981 570 099
Móvil: 649 611 508
lucia@adega.info

Solicitud de visitas á planta:

Marta Domínguez Domínguez

FCC S.A

Lugar da Poza, Servia
15212 Lousame-A Coruña
Teléfono e fax: 981 191 240
Móvil: 628 276 448
mldominguezd@fcc.es

Ficha de solicitud de actividades

Entidade (Centro de ensino, asociación, etc)

Enderezo

Tfno/Fax

Correo-e

Responsable da actividade

Nº de participantes e Idades

 si non

Marca cun X

Obradoiro solicitado:

